

RISPOSTA A SA RIVISTA " LOGOS " - N. 1 -1997

Tonino SANNA

In "Logos" sa rivista sedilesa,
S'archeologica Iloi associazione,
Un'indovinu tramposu e cun pretesa
A sos lettore post' had' in resone.

Indovinu da-e certu Deiana improvvisadu
Poeta ch'in su milleottighentos' est bistadu,
Da-e tottus sos paesanos olvidadu,
E suos iscrittos no had' abarradu.

Forzis' est su cossizzeri comunale
Ch'in "sa chiudendas" tancas hat serradu,
Ma su triballu b'est' andadu male
Pro chi tottu sos muros nd' han bettadu.

O forzis fudi su fidele servidore
Chi tantas bortas a su mere ha devenzadu,
Su marchesi de su populu oppressore,
Zirone Delitala in Zaramonte nadu.

Isboligamos como cust'ordinzu
Cumpostu in quartin' e in sarda rima,
E isperende conquistare bonu pinzu
Nd-e segamos cun passenzia donzi chima.

Da-e sa campagna su poeta recuinde,
Intro una inza in mesu nd'est passadu,
Uè idu sas bides hat pianghinde,
E cust'est su certu logu muntovadu.

Cun forzighes s'inzarzu b'est pudende
Chimos bezzos de sa ide pastinada,
Gai su fedu pesadu iss'est bochende,
Sos chimos pesados s'annada passada.

Sa ide illobad' e poi pudada,
Bene pulida e post' in bonu assentu,
Germogliat e sa linna noa est'allevada,
Nutrida cun abba, sole, nie e bentu.

Sa linna noa, sos chi sun beninde.

SEDILO, 29 de capudanni 1997

**Soluzioneas'indovinu
de Giuseppe Deiana.**

Cando a nou sa inza han pudau,
Bundante sa linfa istat perdinde
E cussa fut sa zente pianghinde
Ch' in cussu zertu logu has' agatau.

Antonio Carboni

DITTA

Piras Lina

**Casalinghi - Giocattoli
Ferramenta e vari**

Via Maria Ausiliatrice, 14 - Tel. 0785/59356 - SEDILO (OR)